

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 35., stav 2. i članom 46. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj:1/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj dana 22.02.2018. godine,
d o n o s i

ZAKLJUČAK

o usvajanju Programa utroška sredstava u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 204, pozicija „Tekući transfer za naučnoistraživačku djelatnost“, Budžeta Zeničko-dobojskog kantona za 2018. godinu

I.

Usvaja se Program utroška sredstava utvrđenih u razdjelu 22, budžetska organizacija 01 potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 204, pozicija „Tekući transfer za naučnoistraživačku djelatnost“, Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), u iznosu od 50.000,00 KM (slovima: pedesethiljada konvertibilnih maraka), a koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu s realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija osim u izuzetnim slučajevima odobrenim posebnim aktima Vlade Kantona.

III.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x a/a.

P R O G R A M

**utroška sredstava u razdjelu 22, budžetska organizacija 01, potrošačka jedinica 0001 –
Ministarstvo za obrazovanje, nauku, kulturu i sport, ekonomski kod 614200,
subanalitika MAD 204, pozicija „Tekući transfer za naučnoistraživačku djelatnost“,
Budžeta Zeničko-dobojskog kantona za 2018. godinu**

Član 1.

Svrha ovog programa je da se sredstva iz Budžeta Zeničko-dobojskog kantona za 2018. godinu, utvrđena u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 204, pozicija „Tekući transfer za naučnoistraživačku djelatnost“, koriste za sufinansiranje naučnoistraživačke djelatnosti.

Član 2.

Visina sredstava utvrđena ovim programom iznosi 50.000,00 KM (slovima: pedesethiljada konvertibilnih maraka).

Član 3.

Izvor sredstava je Budžet Zeničko-dobojskog kantona za 2018. godinu, razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 204, pozicija „Tekući transfer za naučnoistraživačku djelatnost“.

Član 4.

Kriteriji za dodjelu sredstava su:

Odbrana doktorskih radova - potrebe i interesi Zeničko-dobojskog kantona
Sredstva rezerve 1. Organizovanje naučnih skupova i učešće naučnih radnika i studenata na naučnim skupovima u zemlji i inostranstvu - naučni i društveni značaj manifestacije - mogućnost uspostavljanja trajnijih veza i saradnje s domaćim i stranim naučnim ustanovama i naučnim radnicima 2. Izdavanje univerzitetskih udžbenika na visokoškolskim ustanovama na području Zeničko-dobojskog kantona - potrebe visokoškolskih ustanova u Zeničko-dobojskom kantonu - doprinos bibliotečkom fondu visokoškolskih ustanova
Troškovi takmičenja studenata sa univerziteta u Zeničko-dobojskom kantonu
Nagrade najboljim studentima sa prebivalištem u Zeničko-dobojskom kantonu

Član 5.

Sredstva primaju: pojedinci za odbranu doktorskih radova, organizatori naučnih skupova, naučni radnici i studenti koji učestvuju na naučnim skupovima, studenti (sa univerziteta u Zeničko-dobojskom kantonu) za učestvovanje na takmičenjima, kao i studenti (sa prebivalištem u Zeničko-dobojskom kantonu) za ostvaren najbolji prosjek u toku studija.

Član 6.

Distribucija sredstava vršit će se u iznosu i dinamikom kako je navedeno u Planu korištenja sredstava (tabela kao sastavni dio ovog programa) iz Budžeta Zeničko-dobojskog kantona za 2018. godinu, razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 204, pozicija „Tekući transfer za naučnoistraživačku djelatnost“.

Član 7.

Za distribuciju odobrenih sredstava korisnicima zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 8.

Korisnici sredstava su dužni dostaviti izvještaj o namjenskoj upotrebi odobrenih sredstava Ministarstvu za obrazovanje, nauku, kulturu i sport najkasnije tri mjeseca po primitku sredstava.

Član 9.

Izvještaj o namjenskoj upotrebi odobrenih sredstava Ministarstvo za obrazovanje, nauku, kulturu i sport jednom godišnje dostavlja Ministarstvu finansija i Vladi Zeničko-dobojskog kantona.

Plan korištenja sredstava

RB	Namjena	Godišnji iznos sredstava (KM)	Napomena
1.	Odbrana doktorskih radova	10.000,00	Nakon provedene konkursne procedure, Vlada Kantona će na prijedlog Ministarstva za obrazovanje, nauku, kulturu i sport posebnim zaključcima odobravati pojedinačne zahtjeve.
2.	Sredstva rezerve - organiziranje naučnih skupova i učešće naučnih radnika i studenata na naučnim skupovima u zemlji i inostranstvu - izdavanje univerzitetskih udžbenika	20.000,00	
3.	Takmičenja studenata sa univerziteta u Zeničko-dobojskom kantonu	15.000,00	
4.	Nagrade najboljim studentima sa prebivalištem u Zeničko-dobojskom kantonu	5.000,00	
UKUPNO		50.000,00	

Broj: 02-_____/18.

Datum, 22.02.2018. godine

Z e n i c a

PREMIJER

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x a/a.

Miralem Galijašević